

書  
古  
文  
訓

書古文訓序

永嘉薛季宣

昔者子夏學書見於孔子子曰商也何爲於書子夏對曰書之論事也昭昭如日月之代明離離如星辰之錯行上有堯舜之道下有三王之義凡商之所受書於夫子者志之於心弗敢忘退而窮居河濟之間深山之中作壤室編蓬戶彈琴瑟歌詠先王之風則可以發憤慨喟忘己貧賤有人亦樂之無人亦樂之而忽不知憂患與死也夫子造然變容曰嘻子殆可與言書矣雖然其亦表之而已未覩其裏也顏淵曰

何謂也子曰闕其門而不入其中覩其奧藏之所在乎然藏又非難也丘嘗悉心盡志以入其中則前有高岸後有大谿填填正立而已矣是故帝典可以觀美大禹謨禹貢可以觀事皋陶謨益稷可以觀政洪範可以觀度六誓可以觀義五誥可以觀仁甫刑可以觀戒通斯七者書之大義舉矣夫子於商之書謂之表所以語回謂之義自以填然正立一時三語若不相侔然則帝王之書其不可識矣君子察於三者而後可以言書今天天之昭明地之博厚而人之靈於萬物匹夫匹婦無不固已知之至於風霆雨霽之

迭興海岳河山之流峙所以知之蓋鮮喜怒哀樂出  
乎爾者其靜其作則或自知之不暇不察乎近孰明  
乎遠不得乎身何以論古之人是故以書學書書而  
已遺書學書非書矣不以不遺未足與於書之旨以  
而遺之從之不可或庶幾乎書之義云爾子言之  
也書之於事也遠而不闊近而不迫志盡而不怨辭  
順而不諂吾於高宗彤日見德有報之疾也苟由其  
道致其仁則遠方歸志而致敬焉於洪範見君子之  
不忍言人之惡而質人之美也發乎中而見乎外以  
成文者其惟洪範乎堯舜之命受於人湯武之命受

於天不讀詩書易春秋則不知聖人之心無以別堯舜之禪湯武之伐也語之不切見諸言外斯言之辨可以觀於虞夏商周之書矣走之於書學焉不如子夏觀焉何敢望回世無孔子則將何所取正述而藏之以待能者其庶乎以書觀書者矣隸古定書最古孔氏文義多本伏生之說唐明皇帝更以正隸改定而俗儒承詔文多踳駁古文是訓不勞乎是正之也書序出於孔子旨自有在詮次百篇之後將以歸於古學好古之僻走何辭焉昔孔子學琴操而得文王之形季子聞樂音而知其國之政讀其書不知其人

可乎故序篇端論以讀書之法

書古文訓卷第一

永嘉薛

季宣

堯箕

欽書

粵嶽乂古帝堯曰放勳欽明亥息安安允龔亨攘茨  
履三表威于上下

堯唐堯也而以虞書名典記言之史其始於有虞  
氏乎虞書詳於舜而略於堯追記爲可知也粵若  
發語詞猶周書之越若來也稽考也考古之道而  
放其勲堯爲君無所往而不準也聰明文思堯  
之德性然也自敬而明反身而誠之也聽德惟聰  
聰敬之端也思遠猷也睿作聖之思有經天緯地

之文而推入睿之思以體誠明之德安其德性其所安者天下之所當安也誠恭能讓惟安安者爲然煥乎文章光昭四表而天地六合之內咸率其性惟天爲大惟堯能則之也

亨明峻惠呂窺九矣九矣无眷參章百姓百姓昭明叶咏万耑黎民彣彰耑邕

前言堯所以聖此言修身而國家天下平者俊德懿德也即聰明文思也百姓國人也平章啓其明也自明其德則脩身而後家可齊也家齊而後國可治也國治而後天下可平也自明明德而民有



時雍之變非徒明己又能明物修道之教斯有不  
言之化矣

博命戲咏欽攀昊天厯爲日月星辰鼓授人肯分命  
戲中玩堦曰暘谷壘圀出日承艷東徂日中壘鳥  
呂殷中皆手民所鳥罍竿尾申命戲竿玩攀交承艷  
率僞鼓致日旁壘火呂豆中是手民因鳥罍希誦分  
命咏中玩局曰暘谷壘淺內日承艷局成哨中壘虛  
呂殷中咏手民曰鳥罍尾毳申命咏竿玩脾仁曰幽  
樞承聖脾易日桓壘罪呂豆中昇手民炘鳥罍舞尾  
帝曰資女戲展咏吞式百十六旬十六日呂閏月正

三嵒成哉允鑒百工屢續成祓

羲和四岳也其職在內其佐分治於外釐百工治  
天地者也堯舜相傳以天之曆數堯之發政亦以  
敬天爲首曆象日月星辰所以敬授人時奉若天  
道也分命申命二仲二叔而不及伯者其伯蓋羲  
和也嵒夷青州東界陽谷封略所至之地名也南  
交南方之交趾西即西方朔方即北方也昧谷幽  
都皆地名嵒夷不言東者玄見之也寅敬也出日納  
日之賓饒日朝暮之拜也柳宗元說春朝朝日秋  
夕夕月皆拜而不祀蓋是禮之變耳東作西成南

訛朔易爲四岳分職猶古四叔之任平秩平敘之  
也冬貴安靜平在固所以安之朔易歲事有常非  
靜無以蹈其常也南訛曰敬致者陽極陰生之序  
敬之所以儆其至也鳥南方七宿火房心也虛北  
方宿昴西方宿分至皆正中天獨言星鳥於春例  
舉正於中也正中也殷盛也曰正曰殷以二氣言  
也曆家推堯典者以夏冬心昴皆非午正不能言  
唐之歷數唐僧一行以爲冬至日在虛一度則春  
分昏張一度中秋分虛九度中冬至昴距星夏至  
心後星在午正東西皆十二度所謂中也不言胃

尾而言心昴義和曆象其旨可知也民之析因  
夷隩鳥獸孳尾毛革毛毳毼毛是皆因天之道  
順物之性變調正化欲以及時也帝堯以人時爲  
首政豳詩以七月陳王業帝王之治天下必先奉  
若天道民事之大未有急於天時者也暮三百六  
十五日四分日之一六日舉成數也歲五日而一  
候三候一氣積二十四氣爲日三百六十月有小  
大歲虛六日故一年之日三百五十有四積暮之  
盈因歲之虛三歲之日凡三十有六而縮五歲六  
十日而縮故三歲一閏五歲再閏積其餘分以起

意所在猶以丹朱可教而不以他求登用爲可朱  
而可教堯寧舍子而予人乎惟堯知其不道忠信  
之言而有罔水行舟之好所習每下其才不可廢  
也故舍之云史錄此於堯政之初堯政無非允恭  
此克讓之端也由放齊之言而遲登庸之事不以  
一人之見而廢古今之通道旣明而晦猶與丹朱  
之遷善安安之大不其盛乎

帝曰曷資歲予采鴈鴈曰鴈共工速屏共工曰共工号  
彭彭暮莫爲龔滔矣

采事官也共工方總事官之治而堯又求事官驩

三百五十二  
兜之言美共工而非堯之求也禹言知人謂何憂  
乎驩兜則驩兜之美共工爲朋比之私矣共工誠  
有可稱之功則堯不他求矣察其常言則然用之  
則違其所以爲恭象恭而已巧言足恭而以欺世  
盜名不誠之無物也不誠未有能動者故堯深知  
之也視所由觀所以察所安而人焉度哉此觀人  
之道也

帝曰資三嵒湯湯憐水工創蕩蕩襄山襄陵瀨瀨泊  
天丁民元資大剛卑嬖僉曰靡斁才帝曰吁咿才工  
命圯矣咥曰异才試可卽已帝曰達欽才九觀績用

亞威

治水之求咨乎四岳朝廷不足求之於天下也四岳不名尊大臣之禮也其所以咨四岳者四岳輔導之任而諸侯之長也僉言稱鯀而帝已知其弗知人之哲爲高於天下矣方命不循天道也圯族其強足以敗類也不能順水之性則水不可得而治而僉言攸在方命圯族之至有以欺天下也以一人之獨見不可奪天下之輿議況急水害無人固鯀之使矣堯惟知人而不以明高天下不去四凶而治爲世法廢朱舉舜此其所以爲則天之大

歟堯以象共而識共工方命而識鯀不識無物人  
果不可以不學哉

帝曰資三岳朕在位七十觀女耐暮命驁朕位岳曰  
不惠忝帝位曰明明敷仄匝帝錫帝曰大異圣下曰  
允驁帝曰俞予聞如何岳曰瞽瞍父頑母嚚爲梟虍  
鰥呂孝烝烝乂亞惑曷帝曰玆元試才女于昔觀年  
荊于式女登奔式女于羸內娵于允帝曰欽才

瀉水出解州解縣至河中河東縣入河汭小水入  
大水也河中虞鄉爲舜始封堯因其居而邑之也  
庸命用命也夫堯固知朱之不肖必老而後求遜



位者老而子不克嗣政當有所傳矣故堯始但求  
所登用以水之患復求事官共工非才使鯀治水  
事則允恭心惟克讓也堯老而鯀輩勲庸不著所  
以直求可以遜位之人側陋且使明揚在朝之臣  
皆不足以忝其傳矣四岳舉舜不及他事第言父  
母兄弟之不肖舜能處之允若身修家齊而後天  
下可治也四岳自言否德而言舜之克諧以孝孔  
子所謂至德要道有若稱孝弟爲仁之本者也堯  
聞舜而必待四岳之舉不用其明者歟釐降二女  
以觀厥刑夫舜之賢獨未見於妻子之間耳嬪虞

而舜之室家益諧堯以天下予人未嘗無所試矣  
近知子之不肖遠聞側陋之德文章炳煥能以天  
下與賢而天下賴以舉安孔子序書以聰明文思  
光宅讓位稱堯巍巍蕩蕩然矣

舜箴

文書

粵嶽乂古帝舜曰重華叶于帝濬濬文明溫龔允  
塞○○惠升脊圖命呂位峇徽又箴又箴亨册内于  
百揆百揆昔敘圖于三門三門參參内于大麓剡風  
需雨亞恠

重華繼文也攷古繼文而合乎天德者舜之所以

承堯也立德幽微之德濬哲每能宣其智也由乎  
濬哲文明至於安恭誠實自明其德從微至著陞  
聞於上位雖堯命舜爲有以受命也五典五教也  
百揆百官也四門出納王命者蓋四岳之任也作  
司徒而五品遜作司空而百官秩作納言而上下  
睦治天象而無風雨之失節序之所謂歷試諸難  
也慎徽欽美也賓主之也納專其任也舜自脩身  
齊家至於歷試以受天命所居者化無往不適者  
本於濬通明德無爲而治者也

帝曰哉女驩詢豈丁巳酉巳底可績式觀女傳帝

位舜舉于惠亞享

堯之試舜既詢以事夷考其言其言皆至而可以  
趣事功有德之言言皆適於用矣四岳之任三年  
而後傳國豈苟然哉讓德弗嗣懼不足以承堯也  
有重華之德而猶恐弗嗣不苟受人天下之重乾  
乾不息之爲自強也其舜矣乎

正月上日受舜于亥祖聖璫璣玉臬呂參七政繫  
于上帝禋于六宗望于山川徧于羣神楫丕瑞无月  
卽日覲三岳羣母放瑞于羣后

正月上日月正元日也受終受禪也受禪于太廟

退而即位于明堂所謂璿璣玉衡以齊七政者七  
政北斗星名璣衡魁杓也天子之居明堂法天之  
道以齊七政之運隨所建而授人時也因即位而  
見明堂之禮古史記事之法也璣衡舊說謂渾天  
儀而後世復有周髀宣夜之論僧一行曰古人之  
步圭影將以節宣和氣輔相物宜不在辰次之周  
徑其重歷數將欲敬授人時欽若乾象不在渾蓋  
之是非若乃述無稽之法於視聽之所不及則君  
子當闕疑而不議或者各封所傳之器以述天體  
謂渾元可任數而測大象可運算而窺終於六家

之說迭爲矛盾誠以爲蓋天邪則南方之度漸狹以爲渾天邪則北方之度寢高此又渾蓋之家盡智畢議未有以通其說也王仲任葛稚川異同之辨何益人倫之化哉一行善言天者蓋無取於渾儀之說故詳錄之類天之祭禋六宗之祭望山川之祭皆當時祭名羣神聖賢百物之祭徧祭之不可悉書故云徧類于上天凡麗天者爲可知矣六宗古無定說孔氏傳曰四時也寒暑也日也月也星也水旱也孔叢子以爲孔子之言也蘇氏案祭法星爲幽宗水旱爲雩宗秦世猶有所

謂天宗此六宗之名於記猶有存者類帝之後所  
祭非一遂朝萬國有所不暇先輯五玉以待既月  
之見而後班之也乃日踰月之他日也四岳羣牧  
而不曰諸侯者諸侯各從方岳而見故因班瑞而  
終言之耳五玉桓圭圭之方者以四植文爲飾信  
圭直之躬圭紉之穀璧栗文蒲璧微粗瑞器其  
總名也

歲式月東徇守土于岱宗崇皇艷于山川翬觀  
東后叶昔月正日同律庀璽輿攸丕凡丕玉或帛  
式生式歿摯如丕器卒陟復丕月肆徇守土于

辛酉如岱祀八月鹵徇守望于鹵嶽如初十戌  
月肸徇守望于北嶽如鹵祀歸或于執祖申特又  
觀式徇守羣后三斡專教呂公明試呂珍車舩  
呂暮

巡狩之禮舜始行之一歲而徧四岳文中子以爲  
兵衛寡而徵求少是爲得之盛暑南巡祁寒北狩  
聖主勤民其謹於天道如此岱宗泰山也岳四叔  
之治也不言岳而言岱見岳之因名山也柴焚柴  
以祭天也望云秩者禮有隆殺也協時月同律度  
脩五禮所以一制度齊民之視聽也覲東后而兼



脩三帛二生一死之贄因巡守而并其臣子附庸  
見之也三帛孔氏謂玄纁黃二生羔鴈一死雉也  
羔鴈以其信而有禮雉鷩而能死者也如若也若  
五器則復三帛死生則否者賓諸侯而體羣臣也  
士相見禮諸侯於他邦之人還贄己臣不還其贄  
藝祖王考也孔子論禮中禮告於祖廟考廟舜時  
瞽叟尚在故但告王考也歸格告至也用特以一  
牛薦也羣后四年一見五年而方岳徧故天子一  
巡其守也敷奏以言明試以功即詢事考言也車  
服所以寵諸侯者車服之用必其言之可績者行

三百五十三  
於巡守朝覲之際其觀臣子之道與其所尊寵者  
豈苟然哉

犀十十式山生十十式山濬川

舜受禪於洪水之後始建十有二州因其名山而  
封大之以施治水之政隨地之勢置州以便方國  
增高就下而水土平治其爲此者非以爲異凡以  
濬川而已十二州者謂九州外增置幽州二州未  
詳傳以爲并營也

爲以箕荆汭宥又荆夔廷官荆沔廷教荆金廷贖荆  
胄芻糗蔽怙弁賊荆欽才欽才惟荆卹才汭共工

于幽以放鵬受于密山竅式留于式召殛體于羽山  
三臯而天下咸躬

典刑法則也身不行道道不行於妻子脩道以教  
爲民典法使民觀感而化明刑欽恤之本也五流  
之法以寬五刑流放之法與民遷善鞭箠以便官  
府榷楚以勵督教罪疑則贖災過則赦惟不率者  
同之殘賊之罪聖人不忍民之陷於刑至率之以  
德多方以開其自新之路此而不改終不改矣何  
惜一人以懲戒天下乎舜戒刑官欽恤用刑如此  
然共工驩兜朋比三苗威虐則竄鯀殛洪水則殛

四罪施而天下服賊刑之用民知向背所在又何在乎政令之滋章也流放竄皆流罪之輕重幽州三危崇山所謂三居也流居皆如其罪之輕重爲之遠近非如後世之說必居四裔也鯀之殛于羽山也因其行水所至而誅之乎窮人力於四瀆之下流宜其無功而死也三苗威虐而竄鯀墮洪水而死罰之倫等異於後世之用刑矣傳稱堯不能去四凶至舜而去或者遂謂堯不如舜罪惡未著堯當咈衆而誅之乎待其罪而後誅堯舜之心一也堯以不得舜爲己憂則舜亦堯而已也三苗舊

說爲岳州地蓋以吳起所稱洞庭彭蠡與韓嬰衡  
山準之羽山三危皆見禹貢幽州今燕雲路舜十  
二州之一也密古嵩字漢世嵩高猶曰崇高今交  
趾驩州及澧州澧陽縣鄂州崇陽縣皆有崇山稱  
放驩兜之地皆傳會之說耳

式十十八觀帝喾殂龍百姓如喪考妣式觀三棄遏  
密八音

殂落堯以前天子陞遐之名也遏密絕無也堯之  
傳位已久大政皆舜行之異時之民老者日已死  
矣少者之長所見者舜堯之殂落而圻內哀之若

父母海內懷之若父母不忍八音之作至自絕而不聞在人之德非蕩蕩乎不可名者安有是乎

月正元日舜或于亥祖詢于三巫肜三門明三日達三聰資十十式姆曰食才惟皆柔遠耐迺懌允元而難任人變尸衡躬

月正元日舜之元年正月朔也格于文祖至太祖之廟詢四岳而命百官也堯殂卒歲舜即真矣上日書元蓋舜之元年也四岳不言咨而言詢尊禮大臣有事謀焉者也四門之闢所以明四目而達聰也此詢四岳所得而行之也明目達聰而上下

無雍堯舜之所以得天之聰明乎羣牧首者見當時之重外官也外官之重以親民也人情詳近而略遠外官之重所以均內外也食爲民天故舜以爲政本然食非因天時則不得食戒以惟時明其食之所從來也治其近者而遠人服所謂柔遠而能邇也惇德修己也允元善善也壬人之難遠其佞也修己善善而壬人之畏柔遠能邇之道蠻夷所以率服也

驛曰資三岳十耐奮奮戾帝出觀豈託百揆亮采惠  
冒僉曰柏命廷司空帝曰俞資命女琴水土惟昔楸

才命擗諧皆擗于稷禹皋咎繇帝曰俞女逞才

奮庸見之日用也帝載上天之載也奮庸而明帝  
載中庸之德也有此居秩官之位則事治而惠廣  
矣司空周冢宰之任禹作司空而舜復求其人者  
欲人稱舉其賢不自用其明也咨禹之功懋於水  
土及時之治不稱其德不戒以事至德無可稱矣  
而又何戒焉稷契皋陶之讓皆有功於治水者禹  
之不矜不伐於此可見帝之俞往爲無以加之也  
舜求居百揆者而及奮庸之事與堯之求登庸者  
不異矣舜事之首稱舜所以別帝於堯也



帝曰弃黎民俎飭女后親迺肯百粢

弃爲后稷舜稱其播百穀而民無阻飢之患其功已著但申之爾

帝曰禹百姓亞親又品亞慈女廷司廷敬專又教丕寬

百姓所以不親由五品之不遜敬施五教所以從五典而親萬民也寬則得衆夫教不可急也而可循也民可使由之不可使知之也五品父母兄弟子也五典父義母慈兄友弟恭子孝也五典之教五教之敷也脩道先民所謂敬敷也申禹之功亦

所以勉之也

帝曰咎繇蠻貊滑夏寇賊是又女徒士又剋大舛又舛式就又汙大死又死式居惟明乎允

禮大刑用甲兵則蠻夷盜賊之事亦領於士師也  
三就即國語之三次原野市朝也五刑墨劓剕辟  
宮也五流放竄投北也三居遠近三等幽州崇山  
三危之類也皋陶作士以三就用五刑而五刑之  
人服其罪以三居差五流而五流之罪得其所蠻  
夷寇賊遂無猾夏姦宄之亂自非明德慎罰安有  
此乎稱禹皋陶而申訓之教刑非他官比也

帝曰曷舉予工僉曰坐才帝曰俞資坐女共工坐擗  
皐皐擗于父析泉柏舟帝曰俞建才女皐帝曰曷舉  
予上下艸木鳥獸僉曰莽才帝曰俞資莽女廷舛父  
莽擗皐皐擗于朱鴈熊襲帝曰俞建才女皐

垂作共工益作虞皆先疇而後用必待公論雖名  
臣不輕進也命而不戒惟其才也俞美其讓嘉德  
讓也舜前共工不名蓋世官也其先共工蓋能平  
治水土共工放後工官始分而垂爲之也

帝曰資三咎才耐簣舛式汎僉曰柏尼帝曰俞資柏  
女廷艸宗夙夷惟豐稟才惟清柏擗皐皐擗于夔龍

帝曰俞徙欽才

伯夷之用咨求四岳與垂益事異者伯夷始由四岳而進垂益前有位矣讀堯舜二典知鄉舉里選之法行之尚矣未有知所自來者四岳所薦類稱師錫僉曰者以公議告非四岳之私也取人不由鄉里之選終苟道也三禮天地人之禮秩宗周宗伯之任也夙夜惟寅恭敬不怠也直哉惟清清明則遂也勅禮官而曰清明之遂不清不明不足通三才之道人神不可得而治矣曰欽哉者申以敬戒之也

帝曰夔命女夔樂教育孚稟而溫寬而彙但而亾獻  
東而亾鼻詛亾志哥亾亾聲衣亾律咏聲八音  
亨鰭亾昧尅倫神人吕咏夔曰維予擊后改后百聾  
衛瑟

教育國子領於典樂者樂以和行者也舜之命夔  
先教而後樂者教樂之本也夫道不可強有必自  
得之樂以和行欲其自得之也直之蔽絞寬之蔽  
弛剛之蔽虐簡之蔽傲溫栗而無虐傲斯有中和  
之德矣然後可以制樂詩以導志歌以申之而五  
聲依之以生律之和聲文以節奏而已以中和之

詩制中和之樂自然八音諧合而無凌奪之慢用  
之邦國豈不可以移風俗感鬼神哉故曰夫音之  
生由人心起也於歎聲也終言夔之善治樂也擊  
磬而百獸舞豈人爲哉鳥獸猶能感動其心而於  
神人何有舜之九官咸事於夔獨著成功之美者  
音最難識見舜之樂足以鼓舞異類教育之子有  
有不就成其德者乎以舜之德夔之樂樂之工三  
者備而舞獸來皇無足怪者一物不備而樂不可  
成矣夔龍不求而命由伯夷之讓見舜知人之大  
過人也

帝曰電朕聖讒說々行震驚朕帝命女徙內々夙  
夜出內朕命惟允

納言出納帝命咨以讒說殄行之聖者國命攸繫  
不可不審察也誠以出納讒言怪行無自而進則  
命無反汗之出而安有震動民人之事乎夙夜戒  
以敬之敬之無不審者出納各得其當而有不允  
者乎讒殄人皆有之非徒進取之士為然也人君  
言行不出於中則足以震驚天下聖之於己而後  
可以聖之於人出納而謂之納言察言聖邪之本  
也納言至重而列九官之後蓋先後之職後世尚

二百五十四

王平

二十二  
人四岳十二牧九官也四岳爲一人者外雖分治內實一官故通稱曰羲和重黎堯命羲和而又分命申命仲叔不及於伯肩征羲和亦止一人其爲一官甚明非若十二牧自爲一州之主也惟時之戒舜之所以治天下乎庶官之設天工而人代之也天工人代不敬何以趨時也惟時及時之



謂也或先或後不直其時之會則何以代天也天  
工明亮惟時行者能之考績明試以功也三年一  
考三考殿最以程賞罰不以遠近異法所謂黜陟  
幽明也任官責成進退惟允而庶事畢舉者雖堯  
舜不能舍此而治後世末之難矣哉前黜陟而殛  
鯀羽山後黜陟而三苗分竄觀九官之陞進與四  
罪之流殛其政爲可知矣北三苗之終舜典者卒  
舜晚年之政必內脩而後人可治三苗止於分北  
以自歸也有虞薄人之罪終不姦之惠矣徵庸召  
用也在位爲帝也陟方陞遐也乃死釋上文也陟

方之名虞世有之也韓退之說汲冢紀年天子崩  
皆曰陟周書惟新陟王周景王之追命衛襄公曰  
叔父陟恪在我先王之左右以佐事上帝即其義  
也舜年三十召用後三年受禪後二十八年堯崩  
踐天子位通徵庸之年凡三十歲後三十二歲禪  
禹又十七歲而崩書傳多稱舜南巡守而崩于蒼  
梧葬九疑惟孟子以爲舜遷負夏卒於鳴條呂氏  
春秋舜葬於紀韓氏以爲舜老而禹攝矣尚何南  
方之守且南方地下不可謂之陟方稽於孟呂之  
書其說當矣蒼梧山在海州界近莒之紀城舜後

虞國在應天虞城鳴條亭在陳留之平丘負夏今  
兗州之瑕丘則蒼梧不在南也記曰舜葬蒼梧之  
野二妃未之從也今二妃墓在蒲坂自秦博士對  
始皇帝已謂君山二妃所葬後世亦以九歌湘君  
湘夫人附會山海經帝之二女居之之說郭璞注  
山海經二女之神遊於九江瀟湘已知二妃爲妄  
按九歌有雲中君而雲中夫人湘夫人爲之配皆  
水神耳非二妃

堯舜二書稱典與常道也堯舜之事萬世之常法  
也堯自克明俊德以致時和之治發政之事見於

典者不過允恭克讓敬天知人而已敬天而羣品咸遂知人而不用其明堯之安安所以爲聰明也舜自濬明大智孝德升聞以有繼堯之文舜典所書見於黜陟而已四凶放殛九官卒世恭己無爲而治舜之惟時所以爲聰明也故孔子稱堯舜之大序以聰明冠於二典

書古文訓卷第一

後學 成德 校訂

書古文訓卷第二

永嘉薛季宣

大帛暮

從書

曰恭王古大傳曰亥命專弓三棄祇承弓帝曰后亨  
 難耳后臣亨難耳臣政邇又黎民敏惠帝曰俞允若  
 兹嘉弓宅邇伏櫜亡遺取万苗咸寧亡弓廟舍已从  
 人亞獻亡告亞廢朱窮惟帝昔亨禘曰祀帝惠廣  
 運邇聖邇鹽邇武邇亥皇矣眷命弁十三棄爲天下

文命文德也文德外被四海上承于帝禹之稽古  
齊乎重華之協帝矣曰不言禹終言承帝之事也

爲君而盡君道爲臣而盡臣道修道以教所以化天下也知爲君之難爲臣之不易圖其難以求其易則舜禹之祗承協帝斯有不言之化天下有可封之俗也難者何也放勳重華文命之可書者也舜稱堯之爲君之難察言進賢而天下治稽衆無我所以知言而得人也窮民賴以收恤窮士用之得所而終以此得舜非稽于衆而善言無所伏者能至是乎益因舜之稱堯極稱堯德之大帝德廣運則天之德乾乾而不息者極天所覆無不被矣聖神文武見之事業不一而足蕩蕩乎不可名者

煥乎其有文章也則天之大小所以受命於天也

帝曰懃迪吉初辛酉惟景寬禘曰号戒才敬戒凶咎  
宅失金庀宅迂于脩宅至于樂任既勿式去褻勿疑  
疑憇勿戚百志惟戾宅奠衛吕千百姓出譽宅啞百  
姓吕刃己出欲凶急凶亢三尸徠王

禹言順道之吉違道之凶如影響之應形聲有不  
期然而然者體物之不可違也益之進戒申禹之  
言爾敬戒無虞戒慎乎所不聞恐懼乎所不覩則  
何隱之見何微之顯而安有憂危之事乎典常不  
可失墜逸樂不可遊淫此敬戒之道也賢者專任

小人必斥作事謀始不爲嘗試之動則吾所欲必治此明百志以明民者也違道干譽賢者之過行也拂衆從欲小人之無忌憚也賢者之過齊乎小人之無忌憚者過與不及雖異過行害道其流有甚於小人者此不可不察也察此而惟中行之與行之無怠無有荒敗之失所謂柔遠能邇四夷所以來王也王世一見也五服之外終世一見王者王略之遠不以諸侯之禮禮蠻夷也益言百志惟熙四夷來王而明所以得之之道惟影響者如此命曰寢帝念才德惟善政政圣教民水火金木土榮



惟攸正惠勅庠庠生惟咏九珍惟敘九敘惟哥戒止  
庠休董止庠曹勸止呂九哥畀勿穀帝曰俞鑒承天  
威六府貳貲允紂萬丑兇賴皆夷珍

德政古無二道有德斯有政善政所以爲君德也  
三事六府出政之地立政爲民而已也六府六官  
也六官以五行稼穡名府六者治而民得所養矣  
正德利用厚生所謂三事三公之職也以禮食則  
得食民必待信以立和於三事則六官可得以治  
矣正德爲民之極者利用成民之德者厚生受民  
之職者三者不和則不立和者中庸之至也三事

治六府修所謂九功惟敘也九歌之作所以敘九功也有休美之戒有威刑之董此九歌之義所以勸功而使之勿至於荒敗者敘之歌曲則其感人也深樂通人心九歌所以無敗道也地平天成由六府三事之治也九官治而養民之政咸正於德萬世有賴則天明地察之事其有不舉者乎六府官不詳見孟子稱禹治水益掌火稷教稼契作司徒則水火穀土之官可見攷以周制伯夷皋陶殆木金二府乎設官輕重隨時六府之名號象德之遺意爾

帝曰或女命朕宅帝位式十式式聵眊明券亏勤女  
惟亞怠摠朕弔禹曰朕惠宅亨民不依咎繇邁顛惠  
惠與卒黎民衷上帝念才念茲至茲醴茲至茲名  
茲至茲允出茲至茲惟帝念玠帝曰咎繇惟茲臣庶  
宅或干亏正女徒士明亏丕剋呂彌丕教初予亏紂  
剋明亏亾剋民叶亏中昔與玠才咎繇曰帝惠  
宅讐臨丁呂東徭劬呂寬罰亞及享賞延亏垂宥過  
亡大剋故亡小臯疑惟輕玠疑惟重與丕散亞咎宜  
失亞經野生中惠洽亏民心茲用亞犯亏大司帝曰  
昇予勿欲呂紂三亾風鍾惟與之休

子路問政孔子告以先之勞之請益語以無倦業精於勤荒於嬉況任天下之重乎人老而衰舜倦于勤故以禹之弗怠而禪之也血氣衰而戒得舜視弃天下如釋重負其賢於人遠矣禹讓德之罔克民將不依皋陶德加于民民懷其德當時民知禹功知皋陶之德耳民可使由之不可使知之六府三事允治萬世永賴克勤克儉不自滿假者惟帝知禹之功爲德之懋耳告以傳禪而但稱其不倦言日新之不已也皋陶立德而民懷之禹爲無得而稱之矣禹以德讓不伐而下從於衆亦告舜

勿忘皋陶之德而明種德成功之事誠能勿忘則  
舍之言之用之無所往而或忘矣念釋言出而不  
忘於是斯無須臾之離斯德之遠而於成功何有  
舜稱禹功而知其德禹讓皋陶之德而念其功功  
德無二非德無以成其功也邁遠也種德之遠不  
期近功而民承其德修身而天下平也臣庶不干  
於舜之正人協于中舜之所以從欲而治者皋陶  
知風之自也刑輔教者也教之不率而後威之以  
刑使民知德之依知刑之畏率德從善用刑所以  
爲輔於教而刑以無刑爲期也非舜皋陶之存心

孰知刑之爲德而德爲功之懋哉皋陶謂非己功  
皆舜之功其稱帝德罔愆則民協于中爲舜率之  
以仁也簡則易從寬則得衆醴賞薄罰使民樂善  
而刑之畏眚災則爲肆赦怙終而加賊刑所以鞭  
其後者如此而爲上者常欲記人之功忘人之過  
必不得已寧失罪人以此好生之心明刑輔教使人  
曉然而樂善所謂好生之德先協其心人人有士  
君子之行矣將誰犯有司乎舜之君德如是則皋  
陶之德非皋陶所自爲也舜稱皋陶之德皋陶  
歸之於舜舜又歸之皋陶是非苟以相諛其道然

也后非臣罔輔臣非后罔克君臣同德所以爲有  
虞之治也世之論用刑者不入於深則入於縱舜  
皋陶明刑之說亦可少思矣

帝曰徠命洛水儆予威允威矜惟女取亨勤于畝  
儉于家亞自滿假惟女取女惟亞矜允丁莫與女爭  
耐女惟亞伐允丁莫與女爭矜予懋乃惠嘉畋丕續  
允出厯數圣女躬女升德元后人心惟允衛心惟敬  
惟精惟式允執中中允允勿聽亞詢出恭勿喜  
可愛非罔可畏非民勗非元后何戴后非勗宅與守  
畝欽才畹畝大位敬攸元可顯三棄朱窮允焚兇允

惟口出好興戎朕亡亞再命曰枚卜珎臣惟吉出勿  
帝曰命官占惟先蔽忠昆侖于元屯朕忠先定詢蕤  
僉同鬼神元衣屯筮叶勿几亞習吉命擗諧皆忠詞  
帝曰毋惟女鰭正月胙旦覈侖于神宗衛百官帝  
出初

舜既因禹之讓而明皋陶之功又稱惟禹之賢則  
皋陶爲不足比成禹之善所以終讓於禹也允誠  
也成允克誠也舜謂洛水爲微於己爲己未誠故  
非誠己不足以成平水之功視鯀之方命圯族而  
績用不成則成允成功惟禹之獨賢也勤政約己



而不自賢惟賢者能之矜伐人情所同衆之所不容也不矜不伐則所爲日就而人將助之也何功能之敢議邪禹之成允成功此聖人之事也懋德丕績禹固有之舜因而賢之以爲曆數在爾則禹之大德爲有所受命於天天予之矣雖欲不居可乎道心而下傳禹之道也道心人心非有二心也道心本也人心自外觀人者也人心本正千萬人所同然者自外觀之則人各有心或險於山川矣精微也惟精得所謂微者人心雖危誠則明所謂道心則千萬人之心本一心耳寧有二道哉所謂

允執厥中中所以立道也誠執是中則萬國之歡心皆時中之應耳舜謂人心惟危禹臨兆民若朽索之馭六馬精心如此安有失其本心者乎凡人言與其所謀固當聽受而用不稽不謀於中德不可輕受之也此用中之道也百姓待君以治君藉百姓以有國可愛非君撫我則后也可畏非民虐我則讎也知此則民非謂君可愛而君非謂民可畏乎爲人上者可不敬慎矣哉修其可願所謂敬也君之所願在所以得民民之所願在執德之君動協於中則所願咸得矣此敬修可願也四海困

窮天祿永終虐用其民所以得罪於天也君子一言以爲智一言以爲不智興邦喪邦口之出好興戎也言之不再其言必有物也慎乃出話示大信於天下也孔子論政謂兵食尚可去而民無信不立舜之傳禹終以朕言不再命令之出可不稽於中惠乎禹求枚卜功臣不敢自賢於人舜言先定於心卿士庶民龜筮無不從者鬼神或依卜筮而告其可再三瀆邪禹固辭而後受亦終無以辭之也昆先也昆命元龜有以先之也神宗考廟也舜受命于祖廟禹受考廟之不同者禹繇治水而得

天下爲終鯀之代也鯀以治水無功而殛禹能代其成功以掩其父之過立身揚名以顯父母可不謂大孝乎周公宗祀文王禹宗鯀之義也率百官若帝之初言惟受命異處耳

帝曰資命惟昔大禹亞衛女俎延命禹少羣后斷予節曰滌滌大崩咸聽朕命載絃大雷旦悵亞龔侮嫚自貶反衛敷惠商學聖埜小人聖位民弃亞采允牟止咎赫予呂介勗士奉享罰畢介尚一禹心力元亨大勛式宣留民中命赫贊予命曰惟惠德允允德亞屆滿招損謙受赫昔禹元衛帝初予麻山筮予

曷日號泣于廟死于父母負辜引慝祗觀見替睽夔  
夔坐藥替亦允考皇誠感神張絃大苗命摯昌曰  
俞攸節振杖帝嚳誕專亥德翌于羽于咽階七匱大  
苗威

舜典終以分北三苗爲舜之事禹伐有苗在於受  
禪之後則知堯舜受禪之後大政猶取決也受禪  
之主行天子之事爾堯之禪也見於舜典舜之禪  
也不列於夏書堯典爲虞史追書舜禪之後猶  
有可書之政史記不得而同之也堯時三苗以威  
虐而竄既遏絕其後矣有虞之末又有三苗之叛

見三苗之非一姓也禹初受禪奉舜命而伐有苗三旬無功復以益贊而反禹之舍己從人不徇於名如此觀其誓命之語初非輕動不欲以力服人也征之而有苗叛舍之而有苗格聖人服人以德不忍絕民之命故舜之末世有苗叛命止於分北而已不然禹以濟濟羣后伐失民之三苗用至仁伐不仁其何不克之有苗猶逆命見禹之不極其鋒也弗率叛命也蠢無知而妄動也濟濟和靜也衆和且靜而又以一心力戒之者臨事之懼不輕用民之命也夫人心力分之則散一之則齊心

力之齊何功之不濟也有苗侮慢自賢即所謂昏迷弗恭也反道敗德所以親小人遠賢人而至於衆叛親離也奉辭伐罪所以恭行天罰天降之咎即來天下之兵也此而不克舜禹曾足以爲賢乎惟能克之而不忍威罰之行舜禹之功所以爲大也惟德動天至誠之感神也以惠服人無遠之不屈也天道虧盈而益謙滿之損謙之益皆自然之理而人有以得之也恃強大者多致傾覆然謹畏者雖弱必強天道如此謂衆之不足恃也瞽叟之頑如此舜在畎畝起敬起孝罪已感泣而謹於其

事瞽之進進於治不至於姦終於大順無閒然者  
舜之夔夔謹敬所以感之至矣以匹夫而化行於  
頑父盛德之至通於神明有血氣者無思不服苗  
亦人類其有不知德乎班師振旅而歸所以誕修  
文德也觀禹大會羣后誓師以伐有苗益言力之  
不足服人而有招損之戒班師振旅不爲歸情之  
可乘所以治軍亦爲有以服苗之心矣先王耀惠  
不觀兵故雖兵閒亦有文德之事也誕敷文德躬  
自治而薄責於人也舞干羽而格有苗內治修而  
有苗適至耳征有苗而有苗逆命舞干兩階而有



苗格雖舜禹不能服人以力舜禹之德尤不欲以力服人也有苗之役其虞夏之盛德乎益贊而不忤於無功禹還而不疑於廢命禹益之拜舜惟禹之從分北之功所以終舜典也干盾也羽翟也舞者之所執也兩階賓階阼階之間蓋中庭也以于盾而舞于鸛鳴之上文事修而不忘武備蓋治古之道聖人之所以服天下也歷山在濮州雷澤縣舜耕漁之地也

### 咎繇墓

曰帝曰咎繇曰允迪耳惠謨明罰

允迪誠道也厥德即所謂俊德元德也誠能自道厥德則心正意誠而身已修矣以此陳謨以此輔相未有謨不明而輔不諧者皋陶稽古以輔舜者用此道也堯舜之典禹皋陶之謨皆以粵若稽古冠之繼以放勳重華協于帝文命敷于四海祇承于帝允迪厥德謨明弼諧之語是皆虞史之法以所聞於其君臣之學與其德之著者筆諸篇端典謨所書亦不出此爾欲爲君臣而學不稽古舍二帝二后自修之道而求正君以服天下此數千歲絕不復聞唐虞之治也

帝曰俞如何咎繇曰絕畚耳身攸息兇懣敘九矣歷  
明勵翊还可遠至命擗昌々曰俞

俞謂是也稱是而以如何爲問求其所謂是也皋  
陶稱美修身在慎思其遠者所以爲慎之也不慎  
則身不可得而治戒慎恐懼於隱微之際造次顛  
沛必於是矣用之九族則九族敘以治庶績則庶  
績熙勵翼所以勉功而輔治者庶明勵翼則事治  
而無已矣修身而天下平此邇可遠之道也天下  
公是其有加於此乎禹謂德言而拜之以言小而  
不可加也拜曰俞者稱其所是之是不復有二言

也觀臯陶之所是及禹之拜其言中庸大學之修身果不在乎多學矣

咎繇曰堯聖知人聖安民命曰舜咸熙庶民惟帝元帥  
知人則詰耐官人安民則意黎民衷出耐嘉而意  
何憂虐鵠受何舉虐大咍何畏虐巧令色孔壬咎  
繇曰堯亦行大九惠亦元人九惠也曰觀采采  
命曰何咎繇曰寬而舉柔而立原而龔而敬擾而  
忍臬而溫東而廉但而塞殤而訟彰身大崇吉才日  
宣式惠夙夷浚明大冢日嚴祗敬六惠亮采大咍翕  
聚專食九惠咸豈駿又聖官百僚帝百王惟肯諄

巧又屈歷績元冰無教脩欲大出競競蹀蹀式日式  
日乃終亡曠歷官矣邛人元代出矣敘大興救成不  
箕不懌才矣艷大礼自裁不礼大盲才同藁叶龔咏  
衷才矣命大惠不舫不章才矣計大臯不剋不庸才  
政豈楸才楸才矣聰明自裁民聰明矣明曹自裁民  
明曹達巧上下敵才大土咎繇曰舫不懌可底行命  
曰俞焉不底可績咎繇曰予未有知息曰賛賛數才  
孔子論不知命無以爲君子不知禮無以立不知  
言無以知人臯陶所陳邇可遠者蓋知禮知命之  
事禹已拜其是矣臯陶極美安民之事在乎知人

道不止於修身固將以明民也禹歎知人之難誠然堯舜猶病其難知人固不易也知人在明惟明然後能器使人而有懷民之惠堯舜以朋比而有驩兜之放虐民而有三苗之竄且靜言象恭之惡難於壬人之戒能哲而惠其於數者何有堯舜惟能知其難也而有是事所以爲哲而惠歟禹言堯舜於此之難而求其所謂難皋陶美有德所以觀人亦以論人之德載采采者歷言九德之行事事詳之也寬而栗則不縱柔而立則不撓愿而恭則不倚亂而敬則不惰擾而教則不流直而溫則不

絞簡而廉則不蕩剛而塞則不剝彊而義則不他  
九德之端人皆有之然非學以成之則皆歸於所  
蔽而不可與入德明斯九者是謂中庸之至九德  
咸事而動罔不吉矣達於三德日敬明之可以有  
家而爲大夫兼修以明庶功可以有國而爲諸侯  
合所以治國家者而大施之則九德咸事賢人可  
得而用修道之教人人有所師法無適非道故雖  
五星莫不順軌而庶事有不修乎斯言九德之人  
可以彌綸天人之道而贊其化育也九德內備於  
己用以觀人之行隨其短長而用此官人之道也

教當平聲讀之無教無使也有邦之君無使有逸  
欲之好幾微之事仍日全來非微戒以須之差之  
毫釐繆以千里從微至著禍有不可勝言者矣易  
曰幾者動之微吉之先見者也投幾之會閒不容  
髮使惟逸欲之好忘其微懼斯有後時之悔吝安  
有先見之吉萬幾之衆況不止一事乎庶官以人  
代天故須分職乃濟典禮刑賞四者皆本天道庶  
官奉若天道所以爲代天也五典五刑見舜典五  
禮吉凶軍賓嘉也五服天子一等公一等侯伯卿  
士一等子男大夫一等士諸臣一等人事之盡即



天理所在代天之道因人事而爲之典禮刑賞同  
敬合恭所以行典禮者非和於衷無以行之也和  
衷人心所同然者也刑賞亦人心所同而於典禮  
言之典禮上下通行賞刑爲政之事也政事之懋  
由刑賞之當也夫天依人而行待人而成天之聰  
明明畏人皆有之反身誠之則人之聰明明畏一  
皆應乎天矣威在我者也明畏在威者明威在己  
而明畏在物所以與於天道而爲天工之代也天  
子庶人一是達於上下之謂也惟知此也可以知  
人而安民也敬哉有土凡有國者不可不敬也前

言九惠之事即知人官人者至於無教逸欲以下  
皆安民之道也皋陶告禹以己所稱安民之惠可  
底而行禹亦美而然之故皋陶自謂未能知之思  
欲進成之而已知之未足以臻其至思欲贊贊襄  
哉不底於成不已也在易乾之象曰終日乾乾反  
復道也此文王所以純亦不已皋陶迪德以明謨  
者也史稱皋陶允迪厥德謨明弼諧一篇所陳亦  
若是而已矣

蘇魏

帝曰徠命女亦昌中命中謨曰中帝中子何中子中息日

○  
莘莘咎繇曰号如何命曰朕水滔天瀨瀨襄山襄陵  
下民旦墊予兇三飢隨山槩木泉荇敷厯鯀食子決  
九川距三棗容々々岨川泉槐罔敷厯鯀食子林  
舉大亡愧屈丞民禹堦萬畝廷々咎繇曰兪弼女昌

益稷亦謨例也書無益稷之謨獨以禹稱益稷之  
助遂以名篇虞夏之間禹皋陶益稷勲惠相次皋  
陶先以德著益稷佐禹之效得禹言而後彰書以  
益稷名篇見其功之亞於禹皋陶也禹不伐而歸  
功其佐所以成禹之功歟舜求禹之名言禹美帝

之求言而言無可言者我惟念慮不倦以勤於事而已勤者功業之所成就然而勤於無用猶無益也臯陶稱歎求其孜孜之說禹言洪水平治惟勤而後有功四載舟車橈楫行於水陸泥山者泝水滔天人獸雜處疑若無可爲者益爲虞官故禹得乘四載隨山刊木驅猛獸以進民之安食棄爲后稷故禹得濬田閒之水通於大川又決九川東至於海使民得以播種食力民無水患而有水旱之備復爲轉易以通有無其民所居者化得以安居食粟而天下大治惟勤不怠始若難而終易矣禹

之勤民如此何暇於無用之勤乎臯陶美而師之  
明於禹所謂勤知言之爲事矣鮮安也橈今踏屨  
狀類小舟有几憑身感後以行塗者楫脚澀子也  
今人塗淖則施之屨下登則去後降則去前者

命曰罷帝咨禹聖位帝曰俞命曰安女止惟箕惟康  
丕攷臬惟鍾丕應僉忠呂昭叢上帝天丕申命申休  
帝曰吁臣才公才公才臣才命曰俞帝曰臣作朕股  
左耳目予欲左右民女翊予欲宣力三匹女爲予  
欲觀古人出爲日月星辰山龜蓍蟲往來宗彛燦火  
黼黻黼黻絺繡呂天采彰食于天色徒舫女明子欲

脊六律又聲八音聖乳名呂出內又々女聽予臭女  
 攷女亡面初還大迢々欽三仏歷頑讒說萊亞聖昔  
 辰呂明出遽呂記出書用哉才欲竝生才王呂內々  
 昔而颺出或則承出暮出不則畏出命曰俞才帝焚  
 矣出下聖于廉嶠峯生万亩黎獻共惟帝臣惟帝昔  
 舉傳內呂々明歷呂形車舩呂暮誰教亞攘教亞教  
 應帝亞昔尊同日委宅形亡若丹絳暮惟嫚迂是好  
 暮獻是徒宅晝夾額額宅水行舟棚全于冢庫々阜  
 寺予劉萊昔娶于金山辛壬祭命召呱呱而泣予亞  
 學惟荒底土形邙威又舩聖于又千厠十才式幣外

薄三象咸建丕允各迪大珍留頑亞即五帝元志才  
帝曰迪朕惠皆惠珍惟敘咎繇亾祗身敘亾食爲劉  
惟明

益稷之書論虞帝得人之盛舜禹君臣之論蓋其  
本也在位庶官也慎乃在位官人之道也人主所  
當日孜孜者舜是其說故禹推明官人之道謂莫  
先修己安止即安安也於止知其所止則幾微之  
動吉之先見者皆得之矣求賢自輔必無讒諂之  
人身之修輔之正則可以從欲而治受天之佑必  
將自此作也舜稱臣鄰之說語君臣之相依也以

言治己之道猶仰臣鄰之輔故謂臣爲己之股肱  
耳目左右有民教養之也宣力四方維持之也是  
豈一人所及必假臣鄰之輔分職而治君臣一體  
而後可者也古人之象所以昭示後世使人合三  
才之道被之於服用得於觀感而化者日月山龍  
雉皆繪衣飾器之象藻火粉米黼黻絺繡飾裳之  
象蓋以五采相宣成色施之衣服以別上下以觀  
象法此禮之用也孔傳日月山龍華蟲粉米是也  
其言黼作斧形黻兩己相背未盡星辰蓋北辰也  
藻爲穗草火以圓白黑爲黼青黑爲黻皆五采成



章爲絺繡之文耳絺暑服繡冬服古者冬裘夏葛  
絺繡是也六律兼律呂言之也黃鍾生林鍾太簇  
生南呂姑洗生應鍾蕤賓生大呂夷則生夾鍾無  
射生中呂皆上下相生陽爲律陰爲呂律呂皆六  
稱六律者呂和律之聲也五聲宮商角徵羽也八  
音金石絲竹土木匏革也皆樂之具也忽絲之微  
也毫釐眇忽十十相乘而成分者聲音之微非審  
察之莫得其正正音不辨樂不可得而治矣治忽  
審微之至此制樂之本也五言五方之言聲詩之  
旨也樂和而後聲詩可得而聽禮樂之大非臣莫

之舉也傳謂禮樂法而不說汝明汝聽蓋所謂法  
非人不能明聽之也徒存聲象而不通其意不過  
觀聽之美耳前民政而後禮樂者天下治而後禮  
樂興也內外之治必假臣鄰之輔不能正君之過  
亦何取焉面從而有後言非君臣一體之意輔導  
之事寧若是邪四鄰指言左右前後之臣曰欽四  
鄰人君之所敬於其臣者爲此道也庶頑讒說戾  
於此道者射侯之說以準的之教施誠意之學而  
有君臣上下之辨使之得以自明又爲井教之刑  
使之知過自勉書以記其積累善惡是皆欲以糾

正其失而歸之道期與並生而已工歌時颺以感  
其內明至道者有受用之勸違者有威刑之戒凡  
以鞭其後耳夫庶頑讒說人之所惡聖人不惡姑  
爲教之有射侯之明榎楚之痛又使工師相規以  
感其內使之心動而化服從欲之治庶頑之格非  
安止而弼直以行其教化其何以至此乎禹曰俞  
哉甚然其言也申言舉賢之教必使四海之內賢  
人皆得而舉且以天下之大賢人之衆人君爲能舉  
之則人才不可勝用有功有德皆受車服之賜則  
人人將爲士君子之行莫不謙遜以承上惠矣不

以是道大同天下之視聽人將何勸所以日進於  
無益之事也人不可爲丹朱之傲樂於逸遊安於  
囂訟無朝無夜以耽燕樂於內不得嗣堯而有天  
下禹常以此自戒不遑暇逸故娶妻四日即行治  
水過門不入聞兒啼而不顧五服之內絕長補短  
成五千里一州置十二師五國一長則一師十長  
以啓迪諸侯之功伐有苗猶不受職爲之誠不易  
也可不念乎舜言輔導己德禹言是賴臯陶方謹  
是道垂象典刑使人觀感而化苗頑非所患也患  
不能式序爾觀舜禹君臣之論反覆於官人之際

未嘗不以修身爲本舉賢惟急教化禮樂必由此  
而著見又終之以無倦其不可加矣乎塗山在濠  
州鍾離縣許叔重說即會稽也在今會稽縣近是  
夔曰夔擊鳴球搏拊鑾輿呂祖丁徠威於圓至  
位羣后惠穰下管鼗鼓合止祝敵笙暮呂閒鳥瞿鶩  
鶩箭磬九成朋皇徠熾夔曰窳子擊石改后百瞿衛  
瑟屋邦允諧帝暮廷哥曰敕死之命惟昔惟勞粵哥  
曰股左歎才元晉起才百工戾才咎繇擗手諧晉颺  
曰念才術廷興豈峇粵憲欽才婁尚粵威欽才粵  
賡觀哥曰元晉明才股左意才歷豈康才又哥曰元

皆敢勝才股肱懷才万夔墮才帝摻曰俞邁欽才

虞書自橐飫以上皆舜之政二謨益稷詳於諸臣之事益稷之末又以歌樂終之孔子謂成於樂故舜典九官之命亦言樂之效也夏擊祝敵也搏拊宮架也鳴球玉磬也弦歌以上皆堂上樂下管謂笙簫之類鼗鼓搖鼓也鑪大鐘也堂下之樂亦有祝敵爲之合止上言夏擊下言合止互見之也堂上作樂而祖考降羣臣賓客揖讓合節堂下樂成而鳥獸舞鳳凰至中和之至感化之極也此雖成功之效亦夢治忽之賴也動天地感鬼神者莫

善於樂故律命母則子應發聲而音隨天道之自然不可以意知者在舜之時九官咸事而夔爲之治樂其效如是其他蓋可知也鬼神之感人固無得而見揖讓之至閑於儀者皆能中節至于百獸聞聲而舞鳳凰應成而來斯豈人所能爲鬼神享之羣后德讓於此定無疑矣夔明治樂之本不在於律而在於治百獸率舞雖感於樂而動樂之和也誠在乎百官之和人和而後樂成先王作樂之道也虞賓國賓丹朱也祇見而瞽叟底豫教成而丹朱德讓有虞氏之禮樂所謂至誠感神者乎舜

感樂成之効歌所以奉天者在於及時知幾天子  
知幾而時中非四鄰莫之成也臣悅於是所以起  
發君上而百事用之以治乃歌所謂即奉天之事  
也臯陶颺言以謂臣得盡其事在君上之賢否凡  
興作事當謹修其在我屢省乃成究觀其豫定者  
即所謂安止也內無先定之豫則不足以興事然  
而豫定當審此又不可不慎惟欽惟敬而後克之  
載賡之歌所謂明者此也夫君明則臣良而事罔  
不治不務乎其大者汲汲乎其小者以侵百官之  
職則百官避罪苟免而百事至於墮廢本以求治



適以致亂不明於爲君之道非所謂慎乃憲也萬  
世之戒其有加於此乎元首股肱以言君臣之一  
體相資成務偏廢則失之矣曰往欽哉言敬之不  
可忘也舜由在位而有二十二官之命終五十載  
無有遷徙致治之美上勳鬼神下至草木鳥獸罔  
不咸若本諸安止知人君明臣良而有無爲之化  
人君之道於有虞氏書見之矣嘗謂三代而上其  
治以禮樂爲急禮以明物非樂無以成之後世禮  
猶有時而行由詩之亡樂道微矣虞書敘九官則  
勸之以九歌命典樂則使之教胄子其論音律則

謂在於治忽以出納五言其化庶頑讒說則以工  
師納言時而揚之至敘九官之效益稷之書惟以  
樂事明之賡載之歌見乾乾之不已者禮樂爲治  
之本可以反復而見後世忽略不以爲意宜無唐  
虞之盛也

書古文訓卷第二

後學 成德 校訂